



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA  
Broj:02-011-749/'02  
Sarajevo, 24.07.2002.god.**

**ZAPISNIK**

**22. sjednice Doma naroda Parlamentarne skupštine Bosne i Hercegovine,  
održane 18. jula 2002.godine**

Sjednica je počela sa radom u 10,05 sati.

Sjednicom je predsjedavao Nikola Špirić, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 13 delegata.

Delagati Ilija Šimić i Dragutin Ilić su opravdali izostanak.

Osim delegata na sjednici Doma naroda prisustvovali su: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Nakon diskusije u kojoj su učestvovali: Halid Genjac, Momčilo Novaković, Šefik Džaferović Ibrahim Spahić, Jerko Ivanković usvojen je sljedeći dopunjen

**DNEVNI RED**

1. Odgovori na delegatska pitanja i delegatska pitanja
2. Zapisnici 20. i 21. sjednice Doma naroda Parlamentarne skupštine BiH
3. Imenovanje delegata Doma naroda za članove Zajedničke komisije oba doma za postizanje sporazuma o istovjetnom tekstu:
  - a) Zakona o upravi
  - b) Zakona o nacionalnim manjinama
  - c) Zakona o koncesijama
4. Imenovanje članova Komisije za izradu izmjena i dopuna Poslovnika Doma naroda
5. Kreditni sporazum između Bosne i Hercegovine i The OPEC Fund for International Development (projekat razvoja stočarstva i ruralnog finansiranja) – predlagač Predsjedništvo BiH
6. Ugovor o trgovini tekstilnim proizvodima između Evropske zajednice i Bosne i Hercegovine – predlagač Predsjedništvo

7. Ugovor o slobodnoj trgovini između Bosne i Hercegovine i Republike Slovenije – predlagač Predsjedništvo BiH
8. Sporazum između Vlade Bosne i Hercegovine i Vlade Savezne Republike Njemačke o finansijskoj pomoći radi osnivanja preduzeća od strane stručne radne snage koja se vraća u Bosnu i Hercegovinu – predlagač Predsjedništvo BiH
9. Informacija o rješavanju pitanja štediša Ljubljanske banke – podnosilac Vijeće ministara
10. Zakon o izmjenama i dopunama zakona o Centralnoj banci – prvo čitanje, predlagač Predsjedništvo BiH
11. Zakon o osiguranju depozita BiH, - prvo čitanje, predlagač Vijeće ministara
12. Zakon o izmjeni zakona o industrijskom vlasništvu u Bosni i Hercegovini – prvo čitanje, predlagač Vijeće ministara
13. Zakon o odlikovanjima – prvo čitanje, predlagač Vijeće ministara
14. Zakon o ravnopravnosti i jednakosti spolova u Bosni i Hercegovini – prvo čitanje, predlagač Vijeće ministara
15. Rezolucija o mladima u Bosni i Hercegovini – predlagač delegat Sejfidin Tokić
16. Izjašnjenje Doma naroda o razmatranju po članu 99. Poslovnika Doma naroda Zakona o izmjenama Zakona o prenosu, regulatoru i operatoru sistema električne energije u Bosni i Hercegovini – predlagač delegat Ivo Divković
17. Izjašnjenje Doma naroda o razmatranju po članu 99. Poslovnika Doma naroda Zakona o kretanju i boravku stranaca u azilu – predlagač Vijeće ministara
18. Zakon o Visokom sudskom i tužilačkom savjetu BiH (član 100) - predlagač Vijeće ministara
19. Zakon o izmjenama i dopunama Zakona o Carinskoj tarifi BiH, sa carinskom tarifom BiH (član 100) - predlagač Vijeće ministara
20. Zakon o tužilaštvu Bosne i Hercegovine (član 100.)- predlagač delegat Sejfidin Tokić
21. Zakon o registraciji pravnih lica osnovanih od institucija vlasti Bosne i Hercegovine (član 100.)- predlagač delegat Sejfidin Tokić
22. Zakon o izmjenama i dopunama Zakona o ličnim kartama državljana Bosne i Hercegovine (član 100.)- predlagač delegat Sejfidin Tokić
23. Zakon o izmjenama i dopunama Zakona o centralnoj evidenciji i razmjeni podataka Bosne i Hercegovine (član 100.)- predlagač delegat Sejfidin Tokić
24. Zakon o osnovama Javnog RTV sistema i o Javnom RTV sistemu BiH (član 100.) – predlagači delegati Ibrahim Spahić i Sejfidin Tokić
25. Imenovanje i kompletiranje delegacije Parlamentarne skupštine Parlamentarnu skupštinu Vijeće Evrope

#### **Ad-1: Odgovori na delagatska pitanja i delegatska pitanja.**

Odgovor na delegatsko pitanje su dobili delegati: Sejfidin Tokić i Nikola Špirić  
Delegat Nikola Špirić nije zadovoljan datim odgovorom.

Delegatska pitanja su postavili,

#### **Delegat Ivo Divković**

Sa kojim zemljama se vode pregovori o dvojnog državljanstvu? Sa kojima je postignut sporazum o dvojnog državljanstvu a sa kojima nije i zašto nije?

#### **Delegat Momčilo Novaković**

Zbog čega g. Darko Trifunović nije vraćen na posao nakon utvrđivanja da je državljanin BiH. Nije li razlog za njegovo udaljenje sa posla drugačije prirode od javno iznesenog? Šta je ministarstvo inostranih poslova lično uradilo da se problem riješi ili neriješi?

**Delegat Goran Turjačanin**

1. Neprimjeren odnos ambasade BiH u Briselu spram delegacije BiH na prošlosedmičnoj sesiji u organizaciji Parlamentarne skupštine NATO-a.
2. Neprimjeren odnos delegata Parlamenta BiH na međunarodnim sesijama sa olakim izostancima u već najavljenim sastavima što stvara nepotrebno ružnu sliku BiH u međunarodnoj refleksiji.

**Delegat Šefik Džaferović**

Da li je i ako jeste kome je dodjeljen posao na izgradnji graničnog prelaza Izačić?

**Delegat Halid Genjac**

Zašto je i na čiji zahtjev u izvještaju o izvršenju Budžeta izvršena gruba povreda zakona o Budžetu institucija BiH za 2001. godinu?

**Delegat Ibrahim Spahić**

1. Želio bih da ministarstvo pripremi cjelovitu informaciju o slučaju Polihem u stečaju.
2. Kada će biti imenovanje lica za agenciju za zaštitu informacija BiH

**Delegat Dragutin Rodić,**

je ponovio postavljeno pitanje koje je postavio na 16. i 20. sjednici Doma naroda održane 21.03.2002.god. i 25.06.2002.god, a na koji nije dobio odgovor.

« Kakva je sudbina sporazuma o međusobnim pravima korisnika prava fonda za Penzijsko invalidske odnose Republike Srpske i Federacije BiH»

**Ad-2: Zapisnik 20. i 21. sjednice Doma naroda Parlamentarne skupštine Bosne i Hercegovine.**

Jednoglasno su usvojeni zapisnici 20. i 21. sjednice Doma naroda Parlamentarne skupštine Bosne i Hercegovine.

**Ad-3: Imenovanje delegata Doma naroda za članove Zajedničke komisije oba doma za postizanje sporazuma o istovjetnom tekstu: a) Zakona o upravi b) Zakona o nacionalnim manjinama c) Zakona o koncesijama**

Rasprava nije vođena.

Dom naroda je za članove Zajedničke komisije za postizanje sporazuma o istovjetnom tekstu

- a) Zakona o upravi imenovao delegate: Dragitina Rodića, Šefika Džaferovića i Niku Sušca.
- b) Zakona o nacionalnim manjinama imenovao delegate: Ivu Živkovića, Ibrahima Spahića i Gorana Turjačanina.
- c) Zakona o koncesijama imenovao delegate: Momčila Novakovića, Miniba Jusufovića i Jerka Ivankovića

**Ad-4: Imenovanje članova Komisije za izradu izmjena i dopuna Poslovnika Doma naroda**

U diskusiji je učestvovao Halid Genjac.

Dom naroda je većinom glasova za članove komisije za izradu izmjena i dopuna Poslovnika Doma naroda imenovao šestočlanu komisiju koju će sačinjavati: predsjedavajući Doma

naroda, prvi i drugi zamjenik predsjedavajućeg Doma naroda i predsjedavajući klubova delegata.

**Ad-5: Kreditni sporazum između Bosne i Hercegovine i The OPEC Fund for Internacional Development (projekat razvoja stočarstva i ruralnog finansiranja) – predlagač Predsjedništvo BiH**

Rasprava nije vođena.

Dom naroda je jednoglasno dao saglasnost za ratifikaciju kreditnog Sporazuma između Bosne i Hercegovine i OPEC fund for Internacional Development (projekat razvoja stočarstva i ruralnog finansiranja).

**Ad-6: Ugovor o trgovini tekstilnim proizvodima između Evropske zajednice i Bosne i Hercegovine – predlagač Predsjedništvo**

Rasprava nije vođena.

Dom naroda je jednoglasno dao saglasnost za ratifikaciju Ugovora o trgovini tekstilnim proizvodima između Evropske zajednice i Bosne i Hercegovine.

**Ad-7: Ugovor o slobodnoj trgovini između Bosne i Hercegovine i Republike Slovenije – predlagač Predsjedništvo BiH**

U diskusiji su učestvovali: Momčilo Novaković, Ivo Divković, Sejfidin Tokić, Ibrahim Spahić, Nikola Špirić, Halid Genjac, Jerko Ivanković, Ivo Divković, Dragutin Rodić i predstavnik Vijeća ministara Ante Domazet.

Dom naroda je većinom glasova dao saglasnost za ratifikaciju Ugovora o slobodnoj trgovini između Bosne i Hercegovine i Republike Slovenije.

**Ad-8: Sporazum između Vlade Bosne i Hercegovine i Vlade Savezne Republike Njemačke o finansijskoj pomoći radi osnivanja preduzeća od strane stručne radne snage koja se vraća u Bosnu i Hercegovinu – predlagač Predsjedništvo BiH**

U diskusiji su učestvovali: Momčilo Novaković, Ibrahim Spahić, Minib Jusufović i Nikola Špirić.

Dom naroda je većinom glasova dao saglasnost za ratifikaciju Sporazuma između Vlade Bosne i Hercegovine i Vlade Savezne Republike Njemačke o finansijskoj pomoći radi osnivanja preduzeće od strane stručne radne snage koja se vraća u Bosnu i Hercegovinu.

**Ad-9: Informacija o rješavanju pitanja štediša Ljubljanske banke – podnosilac Vijeće ministara**

U diskusiji su učestvovali: predstavnik Vijeća ministara Ante Domazet, Sejfidin Tokić, Goran Turjačanin, Ibrahim Spahić, Momčilo Novaković, Šefik Džaferović, Ivo Divković i Halid Genjac.

Dom naroda je većinom glasova donio odluku da se predsjednik udruženja deviznih štediša kod Ljubljanske banke gosp. Lizalović obrati domu.

Dom naroda je jednoglasno usvojio sljedeći zaključak delegata Ibrahima Spahića:

«Zadužuje se Vijeće ministara da do kraja mjeseca jula na vanrednoj sjednici predoči program rada na rješavanju problema štediša Ljubljanske banke, uz učešće predstavnika udruženja štediša.

**Ad-10: Zakon o izmjenama i dopunama zakona o Centralnoj banci – prvo čitanje, predlagač Predsjedništvo BiH**

U raspravi je učestvovao Nikola Špirić.

Dom naroda je u prvom čitanju jednoglasno usvojio Zakon o izmjenama i dopunama zakona o Centralnoj banci

**Ad-11: Zakon o osiguranju depozita BiH, - prvo čitanje, predlagač Vijeće ministara**

U raspravi je učestvovao Nikola Špirić.

Dom naroda je većinom glasova usvojio u prvom i drugom čitanju Zakon o osiguranju depozita u istovjetnom tekstu kao i Predstavnički dom.

**Ad-12: Zakon o izmjeni zakona o industrijskom vlasništvu u Bosni i Hercegovini – prvo čitanje, predlagač Vijeće ministara**

Rasprava nije vođena.

Dom naroda je u prvom čitanju jednoglasno usvojio Zakon o izmjeni zakona o industrijskom vlasništvu u Bosni i Hercegovini.

**Ad-13: Zakon o odlikovanjima – prvo čitanje, predlagač Vijeće ministara**

U diskusiji su učestvovali: Momčilo Novaković, Šefik Džaferović I Ibrahim Spahić.

Dom naroda je u prvom čitanju jednoglasno usvojio Zakon o odlikovanjima.

**Ad-14: Zakon o ravnopravnosti i jednakosti spolova u Bosni i Hercegovini – prvo čitanje, predlagač Vijeće ministara**

U diskusiji je učestvovao Ibrahim Spahić.

Dom naroda je u prvom čitanju jednoglasno usvojio Zakon o ravnopravnosti i jednakosti spolova u Bosni i Hercegovini..

**Ad-15: Rezolucija o mladima u Bosni i Hercegovini – predlagač delegat Sejfudin Tokić**

Rasprava nije vođena.

Dom naroda je jednoglasno usvojio prijedlog da se Rezolucija o mladima u Bosni i Hercegovini uputi nadležnoj komisiji.

**Ad-16: Izjašnjenje Doma naroda o razmatranju po članu 99. Poslovnika Doma naroda Zakona o izmjenama Zakona o prenosu, regulatoru i operatoru sistema električne energije u Bosni i Hercegovini – predlagač delegat Ivo Divković**

U diskusiji je učestvovao Ivo Divković.

Dom naroda je jednoglasno usvojio da se Zakon o izmjenama zakona o prenosu, regulatoru i operatoru sistema električne energije u Bosni i Hercegovini razmatra po članu 99. Poslovnika Doma naroda.

**Ad-17: Izjašnjenje Doma naroda o razmatranju po članu 99. Poslovnika Doma naroda Zakona o kretanju i boravku stranaca u azilu – predlagač Vijeće ministara**

Rasprava nije vođena.

Dom naroda je jednoglasno usvojio da se Zakon o kretanju i boravku stranaca u azilu razmatra po članu 99. Poslovnika Doma naroda.

Nakon pauze sjednica je prekinuta.

Sjednica je završena u 14,40 sati.

Sastavni dio ovog zapisnika je neautorizirani transkript sjednice.

SEKRETAR  
DOMA NARODA  
Jadranko Tomić

PREDSJEDAVAJUĆI  
DOMA NARODA  
dr. Nikola Špirić